

Маңғыстау облысының білім басқармасының Маңғыстау ауданы бойынша білім бөлімінің «Тобанияз атындағы жалпы білім беретін мектеп» КММ-нде №1 педагогикалық кеңес болып өтті.

28.08.2025 жыл

Қатысушылар: Маңғыстау облысының білім саласында сапаны қамтамасыз ету департаментінің бас маманы Сабыров Қожакелді Нұржауұлы, Маңғыстау аудандық білім бөлімінің басшысының орынбасары Мажитов Еркін, мектеп әкімшілігі, педагогтер, хатшы.

«Білім беру ұйымының 2025–2026 оқу жылындағы білім беру саясаты мен басымдықтары»

1. КҮН ТӘРТІБІ

1. Жаңа оқу жылында білім беру ұйымының жұмысының басымдықтары мен негізгі бағыттары туралы.

2. Жылдық жұмыс жоспарын бекіту туралы

- мектептің оқу жұмыс жоспары
- мектептің білім алушылар тізімдік құрамы
- педагогтердің оқу жүктемесі(тарификация)
- сабақ кестесі
- мектепті дамыту жоспары
- педагогикалық кеңестің жұмыс жоспары
- әдістемелік кеңес жоспары
- "Ұстаз" платформасын қолдана отырып сабақтарды бақылауды қоса алғанда, мектепшілік бақылаужоспары
- әдістемелік бірлестіктердің жұмыс жоспарлары
- педагогтердің біліктілігін арттырудың перспективалық жоспары
- білім беру ұйымдарында академиялық адалдықты сақтау қағидалары

3. Мектептің ұйымдастырушылық-шаруашылық қызметі туралы.

Мектеп директорының м.а. А.Бекова педагогикалық кеңестің тақырыбын, күн тәртібін мен мақсатын таныстыра отырып, жаңа оқу жылына сәттілік тіледі.

4. Мектептің өзін-өзі бағалауды өткізу туралы.

Педагогикалық кеңестің мақсаты- мемлекеттік білім беру саясатын іске асыруда бірыңғай тәсілді қамтамасыз ету, 2025-2026 оқу жылында педагогикалық ұжым қызметінің негізгі міндеттерін анықтау.

Мектеп ұжымы 2025 жылдың 15 тамызында өткен Республикалық Тамыз конференциясының пленарлық отырысында Мемлекет басшысы Қ.К.Тоқаевтың сөйлеген сөзін бейнеролик арқылы тыңдады.

Сондай-ақ , Маңғыстау облысының білім саласында сапаны қамтамасыз ету департаментінің бас маманы Қожакелді Нұржауұлы ҚР Оқу-ағарту министрлігінің тамыз конференциясында баяндаған өзекті мәселелеріне қысқаша тоқталды.

15 тамызда Астанада еліміздің Президенті Қасым-Жомарт Кемелұлы Тоқаевтың қатысуымен ұстаздардың республикалық Тамыз конференциясы өтті. Мемлекет басшысы білім беру саласындағы негізгі басымдықтарды айқындап берді. Біздің ортақ міндетіміз – олармен танысып, мектепте іске асыру.

Тамыз конференциясында Қазақстан Республикасының Оқу-ағарту министрі Ғани Бектайұлы Бейсембаев саланың жетістіктері мен алдағы жоспарларын жан-жақты атап өтті. Біз бұл бағыттарды жұмысымыздың негізі етуіміз қажет.

Басты бағдарымыз – «Адал азамат» біртұтас тәрбие бағдарламасы. Бұл – әр сабаққа, әр сыныптан тыс іс-шараға енгізілуі тиіс тұтас философия. Бағдарламаның мақсаты – білімді, отаншыл және жасампаз ұрпақ қалыптастыру. Биылғы оқу жылында тәрбие жұмысы 6 базалық құндылық аясында жүргізіліп, әр ай белгілі бір құндылыққа арналады. Мысалы, қыркүйек – еңбекқорлық пен кәсібилік айы, қазан – тәуелсіздік пен патриотизм

айы. Мұның барлығы сіздердің күнтізбелік-тақырыптық жоспарларыңыз бен тәрбие сағаттарының жоспарына енгізілуі тиіс.

Екінші маңызды бағыт – жасанды интеллектіні (ЖИ) оқу процесіне біріктіру. Биылдан бастап біз ЖИ-ді жүйелі түрде енгізуді бастаймыз. Бұл компьютер мұғалімді алмастырады деген сөз емес. ЖИ – уақытты үнемдейтін әрі оқыту әдістерін кеңейтетін біздің цифрлық көмекшіміз.

Барлық педагогтер Ы. Алтынсарин атындағы Ұлттық білім академиясының сайтындағы «Орта білім беру жүйесінде ЖИ қолдану бойынша әдістемелік ұсынымдармен» танысып, оны оқыту тәжірибесіне енгізу қажет.

Педагогтер үшін ЖИ қолдану бойынша деңгейлік курстар кезең-кезеңімен ұйымдастырылатын болады. Қазірдің өзінде әрбір педагогке сайтта ЮНЕСКО қолдауымен "Өрлеу" БАҰО әзірлеген онлайн курсқа қолжетімділік ашылды <https://reg.orleu.edu.kz/>. Жақын арада оқудан өту керек (барлығы – 8 сабақ және тест) және куәлік алу керек.

Сонымен қатар, мектепке білім беру процесінде жасанды интеллектіні қолданудың этикалық нормалары мен стандарттарының сақталуын қамтамасыз ететін ішкі мектептік құжатты әзірлеп, бекіту қажет.

Үшінші маңызды мәселе – педагог мәртебесі. Мемлекет басшысы мұғалімдерді өзіне тән емес жұмыстарға тартудың жол берілмейтінін қадап айтты. Педагогтің міндеті – оқыту және тәрбиелеу. Мемлекет басшысының «ұстаз - ұлттың шамшырағы» ретіндегі рөлін жоғары бағалауы педагогтерге берілген сенімге сәйкес келуге міндеттей отырып, ерекше жауапкершілік жүктейді. Бұл үшін кәсіби біліміңіз бен дағдыларыңызды үздіксіз жетілдіру өте маңызды.

Төртінші – қауіпсіз білім беру ортасын қамтамасыз ету сөзсіз төртінші басымдық болып табылады.

Бұл бағытта екі жаңа бастама қарастырылуда:

біріншісі – буллингке қарсы команданы қалыптастыруға бағытталған «ДосболLIKE» буллингтің алдын алу бағдарламасын енгізу.

екіншісі – медицина қызметкерінің жаңа рөлін анықтау. Енді медицина қызметкер тек алғашқы медициналық көмек көрсетіп қана қоймай, сынып жетекшілерімен тығыз байланыста тәрбиелік жұмысқа да қатысады.

Сонымен, биылғы ең маңызды өзгерістердің бірі – ата-аналар комитеттерінің жұмысын трансформациялау. Жаңа «Республикалық ата-аналар комитеті туралы ереже» әзірленіп, барлық деңгейде өзара әрекеттесудің нақты тік құрылымы белгіленді.

Міндетіміз – «мектеп – ата-ана – қоғам» қағидаты бойынша шынайы серіктестік орнату. Жаңа құрылым келесідей ұйымдастырылады:

Сынып деңгейінде: алғашқы жиналыста сайланатын 3–5 ата-анадан тұратын комитет;

Білім беру ұйымының деңгейінде: әр сыныптан ұсынылған өкілдерден құралады;

Бұдан әрі бұл құрылым **аудандық, облыстық және республикалық** деңгейге шығады.

Мұндай жұмысты ұйымдастырудан күтілетін нәтиже – ата-аналарды мектеп өміріне толыққанды серіктес ретінде тарту.

Күн тәртібіндегі 1 –ші мәселе бойынша тәрбие жөніндегі орынбасары А.Аманбаева айтып өтті.

Жаңа оқу жылында білім беру ұйымы жұмысының басым бағыттары туралы ҚР ОАМ әдістемелік-нұсқаулық хатын, жаңа нормативтік актілермен және бағдарламаларға шолу, "Адал азамат"

Біртұтас тәрбие бағдарламасының мәселелері, білім беру ұйымдарында академиялық адалдықты сақтау қағидалары туралы

2025–2029 жылдарға арналған білім беру жүйесіне ЖИ енгізудің тұжырымдамалық тәсілдері, ЖИ этикалық қолдану жөніндегі нұсқаулық және ҚР білім беру ұйымдарында ЖИ қолданудың этикалық стандарттары, педагогтердің құқықтарын қорғау және кәсіби шеберлігін үздіксіз жетілдіру туралы түсінідіріп өтті.

Этикалық нормалары мен стандарттары сақталуын қамтамасыз ететін ішкі мектептік құжатты әзірлеп, бекіту қажет.

бейін жөніндегі орынбасары А.Хасанова айтып өтті.

Талқылау және бекіту:

- мектептің оқу жұмыс жоспары
- мектептің білім алушылар тізімдік құрамы
- педагогтердің оқу жүктемесі(тарификация)
- сабақ кестесі
- мектепті дамыту жоспары
- педагогикалық кеңестің жұмыс жоспары
- әдістемелік кеңес жоспары
- "Ұстаз" платформасын қолдана отырып сабақтарды бақылауды қоса алғанда, мектепшілік бақылау жоспары
- әдістемелік бірлестіктердің жұмыс жоспарлары
- педагогтердің біліктілігін арттырудың перспективалық жоспары
- білім беру ұйымдарында академиялық адалдықты сақтау қағидалары

білім беру процесінде жасанды интеллектіні қолданудың этикалық нормалары мен стандарттарының сақталуын қамтамасыз ететін мектепшілік құжат

- білім беру ұйымының ерекшеліктерін ескере отырып, басқа да жоспарлары туралы айтып өтті.

Күн тәртібіндегі 3 –ші мәселе мектептің ұйымдастырушылық-шаруашылық қызметі туралы шаруашылық жөніндегі орынбасары Ж. Тұрарова және әлеуметтік педагог С. Бердәулетова айтып өтті.

- Нормалар мен ережелерді талқылау: санитарлық нормалардың сақталуы
 - білім алушыларды тамақтандыруды ұйымдастыру
 - қауіпсіз білім беру ортасын қамтамасыз ету
- инклюзивті ортаны ұйымдастыру

- мектеп қызметкерлеріне арналған ішкі еңбек тәртібі ережелері таныстырып шықты.

Күн тәртібіндегі 4 –ші мәселе бойынша мектеп директорының м.а. А. Бекова Білім беру ұйымдарын бағалау өлшемшарттарын бекіту туралы» Қазақстан Республикасы Оқу-ағарту министрінің 2022 жылғы 5 желтоқсандағы № 486 бұйрығы және Қазақстан Республикасы Оқу-ағарту министрлігінің Білім саласында сапаны қамтамасыз ету комитетінің Маңғыстау облысының білім саласында сапаны қамтамасыз ету департаменті (бұдан әрі – Департамент) 2024 жылғы «23» қазандағы №356-нқ бұйрығымен бекіткен 2025 жылы мемлекеттік аттестаттаудан өтуге жататын білім беру ұйымдарының тізбесін бекіту туралы бұйрықтармен таныстырды. Осы бұйрықтарға сәйкес 2025 жылғы 28 тамыздағы «Мектепті өзін-өзі бағалау және өткізу туралы» №//негізінде білім беру қызметтерінің сапасын көтеру бойынша білім беру ұйымының қызметінің тиімділігін әділ талдау және өзіндік бағалау мақсатында мектептің өзін-өзі бағалауы 2025 жылдың 02-30 қыркүйек күндері аралығында жүргізілетінін хабарлады. Сонымен қатар мектептің өзін-өзі бағалауды жүргізуге негіз болатын нормативтік құжаттарды атап өтті. Мектептің өзін-өзі бағалауды және өткізу мақсатында құрылған комиссия мүшелерімен таныстырып, құрамын бекітті. Комиссияның өз жұмысын жауапкершілікпен орындау қажеттілігіне, оқу-тәрбие үрдісінде жүргізілетін жұмыстардың мәліметтерімен толық қамтамасыз ету міндетіне тоқталады. Сыбайлас жемқорлық сипатындағы әрекеттерге жол бермеуге әрбір қызметкердің жауапты екендігін ескертті.

Күн тәртібіндегі мәселелерді қорытындылай келе шешім қабылдаймын.

1. 2025-2026 оқу жылында білім беру ұйымының жұмысының басым бағыттары туралы

ШЕШІМ:

- Мектептегі оқу-тәрбие жұмысын ұйымдастыруда «2025-2026 оқу жылында оқу-тәрбие процесін ұйымдастырудың ерекшеліктері туралы» әдістемелік-нұсқау хаты басшылыққа алынсын;

- «Адал азамат» біртұтас тәрбие бағдарламасын іске асыруды қамтамасыз ету тәрбие жөніндегі орынбасары А.Аманбаеваға міндеттелсін;

- білім беру процесінде жасанды интеллектті технологияларын қолдануды қамтамасыз ету, ЖИ-ды қолданудың этикалық нормалар мен стандарттарын сақталуын реттейтін мектепшілік құжатты әзірленіп, бекітілсін.

- білім беру процесінде жасанды интеллект мүмкіндіктері қолданылсын;

- мектеп әкімшілігінің міндеті мектептің негізгі міндеттері: білім беру сапасын арттыру, функционалдық сауаттылықты дамыту, білім алушылардың оқу жетістіктерін жақсарту болып белгіленсін.

2. Жылдық жұмыс жоспарын бекіту туралы

ШЕШІМ:

- мектептің 2025-2026 оқу жылына арналған жылдық жұмыс жоспары бекітілсін;

- мектептің оқу жұмыс жоспары, оқу жүктемесі (тарификация), сабақ кестесі, мектепті дамыту жоспары, педагогикалық кеңестің жоспары, мектепшілік бақылау жоспары, әдістемелік кеңестің жоспары, әдістемелік бірлестіктердің жұмыс жоспарлары, педагогтердің біліктілігін арттыру жоспары және т. б. бекітілсін.

- жауапты тұлғалар бекітілген жоспарлардың уақтылы орындалуын қамтамасыз етсін.

3. Мектептің ұйымдастырушылық-шаруашылық қызметі туралы

ШЕШІМ:

- мектеп әкімшілігінің қауіпсіз және жайлы білім беру ортасын қамтамасыз ету жөніндегі іс-шараларды әзірленсін;

- өртке қарсы қауіпсіздіктің жай-күйін және бейнебақылау жүйесін тұрақты тексеруді қоса алғанда, қауіпсіз білім беру ортасын қамтамасыз ету жөнінде шаралар қабылдансын; жауапты маман ретінде директордың шаруашылық жөніндегі орынбасары Ж. Тұрароваға міндеттелсін;

- директордың әкімшілік-шаруашылық жұмысы жөніндегі орынбасары және медицина қызметкері (келісім бойынша) мектепте санитарлық нормалардың сақталуын қамтамасыз етсін;

- медицина қызметкері (келісім бойынша) азық-түлік сапасын бақылауды және тамақтандыруды ұйымдастыруда санитарлық-гигиеналық ережелердің сақталуын қамтамасыз етсін;

- мектеп қызметкерлері үшін Ішкі тәртіп ережелері және мектептің жұмыс кестесі бекітілсін.

4. Мектептің өзін-өзі бағалауды өткізу туралы.

- Мектепті өзін-өзі бағалау талапқа сай жүргізілсін, жауапкершілік комиссия мүшелеріне міндеттелсін.

- №1 педагогикалық кеңесте қабылданған шешімдердің орындалысын қадағалауды өзіме қалдырамын.

Жиналыс төрайымы: *А. Бекова*
Хатшы: *А. Хасанова*

